

湧雲沛然之勢，因名曰瑞雲芝。○下略

〔爲峯文集十九〕靈芝說

靈芝者艸中之瑞也，何以謂之瑞，蓋太平之世，政治人和，則天地相感，土氣亦和，土氣和則芝艸生。古曰：王者仁慈，則芝艸生是也。食之則壽，是以神仙多服之，以擬不死之藥。以其非常，故稱靈芝。又稱神芝，若其修鍊不足，則雖在山之仙不能見焉。凡中華本朝偶逢芝艸生，則無不賀之。寬文四年甲辰之冬，江城郭外三田妙嚴寺內靈芝生焉，人皆以爲奇珍。寺僧台宗之徒也，贈呈之於東叡山，而後奉獻幕府。有命使畫工狩野探幽圖之，嘗聞靈芝之生，或深山之中，或老松之下，而其堅久至千萬歲也。在尋常之地，則稀見之。然今城外近處見此靈艸，抑天地之感乎，土氣之和乎，果是太平之瑞乎。庶幾仁慈遍施，德政彌行，而國家長久，與靈芝之壽相共無疆也。乙巳之夏

〔北禪遺草七〕靈芝頌 并引

江戸之高田，有宍戶侯別業焉。其地爽塏，可以近樂而遠覽也。一日胤君某徜徉次，忽睹靈芝三本生於園。其大者徑咫，僉以爲嘉瑞，叙賀於。是遠使余同之。余嘗於公也，辱一日之遇，誼不可辭。然不獨爲公賀，而亦爲胤君賀也。而波及國人者，乃作頌曰：

嗟草之神，惟德作配。聖王攸擇，騷人所采。第宅清敞，瑞氣云會。世子遊焉，歛屬呵暎。旣挺黝柯，用張紫蓋。謝氏階庭，奚足匹對。邦家之休，徵內被外。煌煌三秀，奕奕勿替。我作茲頌，祝釐遠大。

〔橘牕文集一〕靈芝記

余○兩森聞闔家能和，則靈芝必爲之生。蓋嘉瑞也。延享乙丑○二五月晦日，浪華邸第生三木於庭樹

之下。迸管駢頭，含秀飛香。璇穹玉葉，燁燁焉。煌煌焉。庶乎與琪花瑤草相並，可謂奇矣。夫道幽遠難，以窺測其致感之果，有由耶否耶。余懵未之知。顧桂谷子佐村方掌邸事，必有以自驗矣。適徵余記，遂書此以

贈云。